

**Ք Ա Ղ Վ Ա Ծ Ք**

2011 թվականի հուլիսի 13-ին ժամը 14<sup>00</sup>–15<sup>45</sup> կայացած ՀՀ Արմավիրի մարզի Ծաղկալանջ համայնքի անդամների ընդհանուր ժողով

Ժողովին մասնակցում էր ՀՀ Արմավիրի մարզի մարզպետարանի աշխատակազմի քաղաքաշինության բաժնի պետի տեղակալ պարոն Համլետ Կուրդինյանը: Համայնքի անդամներից ներկա էին 56 բնակիչներ, դպրոցի մանկավարժներ, գյուղապետարանի աշխատակիցներ և ավագանու անդամներ:

*Ժողովի նախագահ՝*

*Մ. Մկրտչյան*

*Քարտուղար՝*

*Ա. Բաղդասարյան*

*Օրակարգ* - ՀՀ Արմավիրի մարզի Ծաղկալանջի գյուղական համայնքի ղեկավարի և ավագանու 2011 թվականի I կիսամյակի աշխատանքային գործունեության հաշվետվությունը


*Ձեկ՝ Մ. Մկրտչյան*

*Արտահայտվեցին* - Համլետ Ամիրջանյանը, Գառնիկ Պետրոսյանը, Աշոտ Բաղդասարյանը: Նրանք ներկայացրեցին գյուղի հիմնախնդիրների մասին, որոնք անհրաժեշտ են բնակչության կենսամակարդակի բարձրացման համար.

1. Մշակույթի տան վերանորոգման անհրաժեշտությունը
2. Մանկապարտեզի շենքի վերանորոգման անհրաժեշտությունը:
3. Ներտնտեսային ոռոգման ցանցը գրեթե ամբողջությամբ հողային հունով է, կորուստը մեծ է և այն հանգեցնում է ջրօգտագործողների արդարացի դժգոհությանը:

*Ժողովի նախագահ՝*

*Քարտուղար՝*



*Մ. Մկրտչյան*

*Ա. Բաղդասարյան*

## Հ Ա Շ Վ Ե Տ Վ ՈՒ Թ Յ ՈՒ Ն

### ՀՀ Արմավիրի մարզի Ծաղկալանջ համայնքի ղեկավարի և ավագանու կողմից 2011 թվականի I կիսամյակի կատարած աշխատանքների մասին Ձեկ.՝ Մ.Մկրտչյան

Հարգելի Ծաղկալանջ համայնքի բնակիչներ, հյուրեր. Ձեզ են ներկայացնում 2011 թվականի I կիսամյակի ընթացքում գյուղապետարանի և ավագանու կողմից կատարած աշխատանքների հաշվետվությունը:

2011 թվականի I կիսամյակի ընթացքում բարելավել ենք հանդամիջյան ճանապարհները, ամիսը 5 անգամ կատարվել է աղբաթափություն, որի համար հատկացվել է 300.000 դրամ գումար: Վերականգնվել է գյուղի կենտրոնական փողոցի լուսավորումը:

Կազմակերպվել և հաշվետվություններ են ներկայացվել վիճակագրական ծառայությանը անասնազխաքանակի, բնակչության սեռատարիքային շարժի, բերքահավաքի և գարնանացանի տվյալների մասին: Անձնագրային բաժանմունք է ներկայացվել 1-6 տարեկան երեխաների ծննդյան վկայականները: Եկամուտների, ծախսերի և աշխատավարձի մասին հաշվետվություններ են ներկայացվել Արմավիրի մարզպետարան, ամսեկան հաշվետվություններ են ներկայացվել հարկային տեսչություն: Կադաստրի տարածքային ստորաբաժանում է ներկայացվել շենքերի և շինությունների կառուցման և քանդման շարժի մասին:

Համայնքի դպրոցի և գյուղի երիտասարդության հետ համատեղ կազմակերպվել է երիտասարդական միջոցառում նվիրված Մայրության և գեղեցկության տոնին, որի համար 200.000 դրամ է հատկացվել: Կազմակերպվել է մեծարման երեկո՝ նվիրված ծանրամարտի Եվրոպայի առաջնության բրոնզե մեդալակիր համայնքի բնակիչ՝ Գևորիկ Պողոսյանի

պատվին: Կազմակերպվել է նաև միջոցառում նվիրված Հայրենական մեծ պատերազմի հաղթանակի 66 ամյակին և Շուշիի ազատագրման 19 ամյակին:

2011 թվականի I կիսամյակի ընթացքում ստացվել և պատասխանվել է 42 գրություն: Կայացել է ավագանու 4 նիստ և քննարկվել է 18 հարց, ընդունվել է համապատասխան որոշումներ:

Համայնքն ունի 25 նպաստառու ընտանիքներ: Սոցիալապես անապահով ընտանիքներին իրենց դիմումների և ավագանու որոշմամբ տրվել է դրամական օգնություններ՝ 700.000 դրամ:

I կիսամյակի ընթացքում համայնքում ծնվել է 9 երեխա, արձանագրվել է 8 մահ, ամուսնացողների թիվը հասնում է 10-ի:

Ընդունվել է գյուղապետի 22 որոշում, ընդունվել է 72 դիմում, որոնք բոլորն էլ ստացել են համապատասխան լուծումներ: Համայնքի բնակչությանը տրվել է համապատասխան ոլորտի 400 տեղեկանքներ:

Գյուղի խնելու ջրի մատակարարման նպատակով կատարվել է ջրաչափերի տեղադրման աշխատանքներ:

2011 թվականի I կիսամյակում բնակիչներից գանձվել է 918.8 հազ. դրամ հողի հարկ, 572.95 հազ. դրամ դրամ գույքահարկ և վարձակալական հողի վարձավճար 335.900 դրամ:

Գյուղապետարանը աշխատավարձի պարտք չունի:

Գյուղում կան մի շարք հիմնախնդիրներ, որոնց վերաբերյալ կցանկանայի տեղեկացնել Ձեզ և մարզպետարանի ներկայացուցչին, քանզի նշված խնդիրները գյուղապետարանի միջոցներով հնարավոր չէ իրականացնել.

1. Մշակույթի տունը վերակառուցման և վերանորոգման անհրաժեշտություն ունի, բնակչությունը մշակութային միջոցառումներ չեն կարող կատարել, անգամ իր ազատ ժամանակը սովորական խաղերով անցկացնելու վայր չունի

2. Չի գործում մանկապարտեզը՝ համապատասխան շենքային պայմանների բացակայության պատճառով, նախկին շենքը կարիք ունի վերանորոգման

Ներտնտեսային ոռոգման ցանցը գրեթե ամբողջությամբ հողային հունով է, կորուստը մեծ է և այն հանգեցնում է գերծախսի ջրօգտագործողների արդարացի դժգոհությանը:

Գյուղում կատարվող բոլոր երևույթները գյուղապետարանի ուշադրության կենտրոնից դուրս չեն մնում, կա սերտ կապվածություն գյուղացու և գյուղապետարանի միջև: Սիրելի համագյուղացիներ Ձեր բոլոր գրավոր և բանավոր դիմումները և խնդրանքները քննարկվում են և հնարավորության սահմաններում տրվում են համապատասխան լուծումներ:

**ՀԱՄԱՅՆՔԻ ՂԵԿԱՎԱՐ**



**Ս. ՄԿՐՏՉՅԱՆ**